



Republika e Kosovës
Republika Kosova – Republic of Kosovo
ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY



Organi Shqyrtues i Prokurimit (OSHP) – Rruga Migjeni (ish Banka e Ljublanës), Kati V-të, Prishtinë, Kosovë
Tel: 383 38 312 309 email: oshp@rks-gov.net

RAPORTI I EKSPERTIT SHQYRTUES

Eksperti Shqyrtues	Data e autorizimit të ekspertit	Date e dorëzimit të raportit	Nr. i lëndës
Ilir Halili	03.01.2024	12.01.2024	2023/1064

BAZA LIGJORE E SHQYRTIMIT

Me datën: 29.12.2023, OE “ARITECH”- Prishtinë, ka parashtruar ankesë me nr: 2023/1064, kundër njoftimit për kontratë, kundër njoftimit për dhënie të kontratës ku është rekomanduar për kontratë OE “ARITECH”- Prishtinë, apo kundër anulimit të aktivitetit të prokurimit, lidhur me aktivitetin e prokurimit: “Marreveshje kornize – Furnizim me Pajisje te Teknologjise Informative per USHAF” me nr. të prokurimit: "98400-23-13505-5-5-8", iniciuar nga Autoriteti Kontraktues (AK) – UNIVERSITETI I SHKENCAVE TË APLIKUARA NË FERIZAJ. Autoriteti kontraktues ka zbatuar procedurë? t? hapur, negocuar, kufizuar, lloji i kontratës: punë, furnizim, shërbim, vlera e parashikuar e kontratës: xx,xxx €. Nëse është e përsëritur ankesa, të shënohet se lidhur me këtë lëndë është nxjerr një vendim i mëparshëm i OSHP - së, më Nr. 2023/1064 i dt:29.12.2023. Konform nenit 113, 114 të Ligjit Nr. 04 / L - 042, i plotësuar dhe ndryshuar me Ligjin 04 / L - 237, Ligjin 05 / L - 068, dhe Ligjin 05 / L - 092, Eksperti Shqyrtues i ka shqyrtuar pretendimet ankimore të OE ankues.

DISPOZITAT E SHKELURA DHE PRETENDIMET ANKIMORE

AK ka shkelur gjatë realizimit të kësaj procedure ka shkelur dispozitat e LPP-së si më poshtë:

Neni 10

Mjetet për promovimin e Transparencës

1. Me kërkesën me shkrim nga cilado palë e interesit, autoriteti kontraktues i siguron qasje të arsyeshme palës që kërkon të ketë qasje në të dhënat e përshkruara në paragrafin 1 dhe 2 të

këtij neni, përveç informatave sekrete afariste të cilat vërtetohen si të tilla nga një autoritet përkatës që kanë të bëjnë me çfarëdo aktiviteti të prokurimit që është mbyllur. Për qëllime të paragrafit 3. të këtij neni, aktiviteti i prokurimit konsiderohet i mbyllur (i) në datën e publikimit të 4/8

njoftimit për dhënien e kontratës ose njoftimit mbi rezultatet e konkursit të projektimit, (ii) në datën e dhënies së kontratës në rast të tenderëve sipas nenit 37 të këtij ligji, ose (iii) nëse aktiviteti i prokurimit formalisht është anuluar ose përndryshe është përfunduar para dhënies ose zgjedhjes së fituesit, atëherë në datën e njoftimit për anulim sipas paragrafit 2. të nenit 62 të këtij ligji ose në datën kur aktivitetet ishin përmbyllur.

2. Autoriteti kontraktues do të sigurojë qasjen e kërkuar nga paragrafit 3. i këtij neni në mënyrë të rregullt, të qetë, dhe pa pengesa. Sidoqoftë, autoriteti kontraktues mundet që të mbikëqyrë qasjen në fjalë ose të marrë masa të arsyeshme për të ruajtur integritetin e të dhënave.

3. Autoriteti kontraktues, me kërkesë të një pale të interesuar, do të bëjë dhe do t'i sigurojë palës së tillë të interesuar një kopje të çfarëdo materiali në të cilin pala e tillë e interesuar ka të drejtë qasjeje sipas paragrafit 3 të këtij neni.

Neni 59

Ekzaminimi, Vlerësimi dhe Krahësimi i Tenderëve

1. Autoriteti kontraktues do të themelojë një Komision Vlerësues për ekzaminimin, vlerësimin dhe krahësimin e ofertave. Të gjithë anëtarët e Komisionit Vlerësues marrin përgjegjësi të plotë individuale për vlerësimin e kryer të ofertës. Me fillimin e zbatimit të prokurimit elektronik, KRPP-ja do ta nxjerrë legjislacionin dytësor lidhur me këtë çështje

Ne me datë 14.12.2023 kemi pranuar njoftimin mbi vendimin e Autoritetit Kontraktues.

Ne njoftimin mbi vendimin AK ka vendosur të shperblejë me kontratë OE TECH VISION SH.P.K.

Ne kemi kërkuar qasje në dokumentet e dorëzuara për dy OE pjesëmarrës me të lire sipas çmimit të ofruar.

Autoriteti Kontraktues na ka mundur qasje në dokumentet e dorëzuara, por jo në të gjitha dokumentet të dorëzuara, pra ne kundërshtim me LPP na ka ofruar qasje të pjesëshme.

Autoriteti juaj na ka dorezuar ne menyre fizike dokumentet ne vijim te OE Tech Vision dhe Cactus:

Pershkrimi i çmimeve, deklarata mbi pershtatshmerine dhe deklarata nen betim.

Te gjitha keto jane te shenuara ne procesverbal nga takimi (bashkangjitur).

Autoriteti Kontraktues me kete veprim nuk ka respektuar Nenin 10 pika 1, pika 2 dhe pika 3 duke mos dorezuar te gjitha dokumentet e kerkuara.

Nuk eshte siguruar qasje per te gjitha dokumentet e dorezuara nga operatoret ekonomik!

Ne baze te kesaj ne konsiderojme qe oferta e OE-ve nuk ka qene e plote.

5/8

Nga Autoriteti Kontraktues na eshte thene qe nuk ka dokumente tjera, por pa na ofruar dokumentin “Lista e dokumenteve të tenderit mbështetëse” qe deshmon dokumentet e dorezuara nga OE, nder to do duhej te ishte edhe kerkesa per sekret afarist.

Vleresojme qe ofertat e dorezuara nga OE-te per te cilat kemi kerkuar qasje ne dokumente, duke mos dorezuar broshura fare dhe duke mos specifikuar as oferte teknike as brend te ofruar eshte e papergjegjshme dhe duhet te eliminohet.

Lidhur me mosdorezim te broshurave per produktet tanime kemi se paku dy vendime nga OSHP.

Vendimi nr: 214/22 dhe

Vendimi nr: 482/23

Autoriteti Kontraktues e zhvillon kete aktivitet te prokurimit ne kuader te kontrates kornize te AQP-se, prandaj baza eshte e qarte.

Ne vijim gjeni printscreen lidhur me specifikimin teknik nga kontrata ne mes te AQP-se

dhe OE.

Shenim: Te plotësohen me saktësi dhe qartësi kolonat në të djathtë “ Specifikacioni teknik minimal i ofruar” dhe secila informat aty duhet të përputhet me katalogun të cilin e ofroni. Pra, gjithsecila informatë e plotësuar nga ju duhet të jetë edhe në katalog që të mund të vërtetohet gjatë vlerësimit. Ku kërkohet “minimumi” ose “or beter”, ju duhet të shkruani sakt se çfarë ofertoni, ndërsa kur kërkesa është e prerë si p.sh “Mausi dhe tastieri: USB Mouse & OWERTY Keyboard”, ju mund ta plotësoni me “✓ ose X”.

- Për secilin produkt duhet të specifikoni emrin e modelit që e ofertoni. Në kolonën e parë të secilit produkt tek – Prodhuesi – Brand Name, duhet të shkruani emrin e modelit duke përfshirë emrin e prodhuesit dhe emrin e saktë të modelit të cilin e ofroni;
- Tek laptop-ët duhet të ofroni çanta të cilat duhet të jenë të të njëjtit prodhues e përfshirë në konfiguracion;
- Sistemi operativ tek PC dhe Laptop duhet të jetë Windows 11 Pro 64 bit supported, ndërsa për licencën duhet të çeket në mini-tender pasi që nëse licencat sigurohen nga ASHI nuk duhet të kërkohen, por në rastet kur licencat nuk sigurohen nga ASHI, pajisjet duhet të kërkohen së bashku me licenca.
- Specifikat teknike të paraqitura në këtë marrëveshje kornizë janë specifikat minimale edhe për fazën e minitenderve ndërsa institucionet në fazën e dytë (atë të minitenderëve) kanë të drejt të avancojnë këto specifika teknike duke përfshirë edhe kërkesën p.sh “Vertical Tower jo flat. (MT) ose (DT) apo të kundërtën”

Perfundim Citati

Ne në baze të atyre që kemi çekur me lart, OE-te për të cilat kemi kërkuar qasje në dokumente nuk kanë dorëzuar specifikime teknik, broshura, brand, model të produkteve të kërkuara.

Prandaj mos dorëzimi i specifikimit teknik pamundëson vlerësimin e drejtë për të gjithë OE-te.

Duke u bazuar në të gjitha keto me lart, ne do të bashkangjesim vendimet e OSHP-se lidhur me mosdorëzimin e specifikimit teknik, procedurë e zhvilluar në kuader të AQP-se.

6/8

Pra, kemi të bëjmë perseri me të njëjten kontratë kornizë, e cila është vazhduar, prandaj konsiderojmë që është koncept i njëjte.

Vendimet e OSHP-se janë pikerisht për një kontratë e cila është zhvilluar dhe zhvillohet në kuader të AQP-se.

Pasiqë lenda e Ankesës është e njëjte, procedura e prokurimit është e njëjte, zhvillohet në kuader të kontratës kornizë me AQP-ne, poashtu kemi vendime të OSHP-se (214/22, 482/23) prandaj kërkojmë nga Organi juaj shqyrtues të marrë vendim duke u bazuar në

argumentet e lartecitura.

Autoriteti Kontraktues lidhur me kërkesën tone për Rishqyrtim është përgjigjur si në vijim:

Bazuar në kërkesën tuaj lidhur me kataloge në dosje të tenderit nuk është kërkuar as katalogu as kriteret tjera katalogu ofrohet të AQP fillim të nënshkrimit të kontratave.
Qasje ju është lejuar sipas nenit 11 të LPP-ës, si informata sekrete afariste të cilat janë kërkuar nga OE, që të klasifikohen nga AK vetëm dokumentet që nuk janë sekret afarist.

Nga ajo që është thënë nga AK si përgjigje, ne nuk e kemi të qartë se për cilat sekrete afariste bëhet fjalë, cilat janë dokumentet për të cilat është paraqitur kërkesë për sekret afarist?!

Ndërsa për pjesën e mos vendosjes së broshurave apo specifikimeve teknike të ofertuara (brand, model,...) ne kemi ofruar argumente të mjaftueshme si më lart, për më tepër po

citojmë edhe vendimin e panelit shqyrtues (Nr.482/23) për situatë të njëjtte.

Citojme

- Administrimi dhe vlerësimi i provave –

Paneli shqyrtues administroi me të gjitha shkresat e kësaj lënde, duke i analizuar të gjitha pohimet ankimore, aktet dhe veprimet e palëve të cilat (në përmbledhje) i shqyrtoi si në vijim:

Pohimet ankimore të OE ankues

Ankuesi (me të dhëna si më sipër) ka atakuar vendimin e cituar si më sipër të AK nga aspekti i përgjegjshmërisë së OE të rekomanduar për kontratë duke pretenduar se AK ka bërë shkelje të dispozitave ligjore, ngase kundërligjshëm ka shpall fitues një OE i cili nuk ka dërguar specifikim teknik të detajuar të pajisjeve të ofruara, ashtu sikurse kërkohet me LPP (Neni 28), RRUOPP, Pika 20 dhe Marrëveshjen Publike Kornizë si bazë e kësaj Ftese për Ofertim. Në Aneksi 1_Specifikimet Teknike të Detyrueshme, të kësaj Marrëveshje Publike Kornizë, saktësohet qartë se, cit: Për secilin produkt duhet të specifikoni emrin e modelit që oferton. Në kolonën e parë të secilit produkt tek Prodhuesi- Brand Name dhe në kolonën e fundit duhet të shkruani emrin e modelit duke përfshirë emrin e prodhuesit dhe emrin e saktë të modelit të cilin e ofroni. Lidhur me këtë ekspertit shqyrtues ka konstatuar se AK ka bërë lëshime sepse tek dokumenti i specifikimeve teknike duhet të përfshije edhe informata për modelet dhe specifikimet e paisjeve të ofertuara dhe lëshim në FPO nga AK, është i pa-përmirësueshëm në këtë fazë andaj rekomandohet të anulohet komplet aktiviteti i prokurimit. Për panelin shqyrtues nuk paraqet pasqyrim të gjendjes reale, ngase ne dokumentacionin e këtij aktiviteti rezulton se ne ofertën e OE përkatësisht Specifikimet teknike, ne asnjë vend nuk precizohet Prodhuesi se me çfarë pajisje oferton. Pra, duke ju referuar dokumentacionit të këtij aktiviteti të prokurimit rezulton se OE i shpallur fitues për këtë procedurë pikërisht tek specifikimet teknike të detyruara të ofruara në ofertën e tij nuk përcakton ne asnjë vend brendin apo prodhuesin e pajisjeve të cilat do ti liferoj apo me të cilët ka aplikuar. I vetmi dokument i cili është relevant për këtë aktivitet është deklarata e OE i cili thekson se të gjitha produktet janë sipas specifikimeve të kërkuara mirëpo prap edhe në deklaratën e tij nuk specifikohet brendi apo prodhuesi me të cilin oferton.

- Përfundim -

Paneli shqyrtues konsideron se një pjesë e pohimeve ankimore janë pjesërisht të bazuar, sikurse është shpjeguar dhe si më sipër, kurse AK nuk ka vepruar në pajtim me dispozitat e nenit 59 dhe 60 të LPP. Kthimi i një aktiviteti të prokurimit në ri-vlerësim, me fakte dhe prova kontestuese dhe/ose me bazë ligjore, është në harmoni me nenin 1, të LPP, sipas të cilit, qëllimi i këtij Ligji është mes tjerash, cituar: "...të siguroj integritetin dhe përgjegjësinë e zyrtarëve publik, nëpunësve civil dhe personave të tjerë që kryejnë ose janë të përfshirë në një aktivitet të prokurimit duke kërkuar që, vendimet e individëve të tillë dhe baza ligjore e faktike për vendimet e tilla, të mos ndikohen nga interesat personale, të karakterizohet me jo-diskriminim dhe me një shkallë të lart të transparencës dhe, të jenë në përputhje me kërkesat procedurale dhe qenësore të këtij ligji".

Lidhur me nenin 105, duke e pasur parasysh kërkesën e nenit 104, paragrafi 1, të Ligjit të cituar sipas të cilit, cituar: "Procedura e shqyrtimit të prokurimit do të zbatohet dhe realizohet në mënyrë të shpejtë, të drejtë dhe pa diskriminim, që ka për qëllim zgjidhjen e drejtë, të ligjshme dhe efektive të lëndës..." Prandaj Paneli Shqyrtues i bazoi konstatimet e tij në dispozitat relevante të LPP, të cilat parashohin dhe rregullojnë situata të tilla, e që mund të paraqiten gjatë një aktiviteti të prokurimit.

Andaj nga të lartcekurat, paneli shqyrtues në pajtim me nenin 117 të LPP-së vendosi si në dispozitiv të këtij vendimi.

Perfundim Citati

Siç theksohet edhe në vendimin e OSHP-se (Nr:214/22 dhe 482/23) në keto rast ankese kemi të bëjmë me OE i cili nuk ka vendosur specifikim teknik, model, brand, broshurë për produkte.

Vlen të theksohet që edhe OE Cactus Sh.A. nuk ka vendosur specifikim teknik, model, brand, broshurë për produkte për të cilat ka ofertuar.

Për korrektesi Oferta jone në këto aktivitet Prokurimi është e kompletuar me broshurë dhe specifikim teknik për të gjitha produktet e ofertuara.

BAZUAR NË TË DREJTEN JURIDIKE. VLERESOJME QË VENDIMET E MEHERSHME TË OSHP PËR RASTE IDENTIKE DUHET TË SHERBEJNË SI BAZË APRIORI PËR VENDIMET NË VAZHDIM.

Duke u bazuar në argumentet më lartë kërkojmë nga Organi juaj shqyrtues që të marrë vendim si në vijim:

V E N D I M

APROVOHET si e bazuar Ankesa e OE “ARITECH SHPK” lidhur me tenderin

“Marrëveshje kornizë – Furnizim me Pajisje të Teknologjisë Informative për USHAF)” me nr. prokurimi UA/2016-23-5755-1-1-1

ANULOHET Njoftimi mbi vendimin e AK-se nga “Marrëveshje kornizë – Furnizim me Pajisje të Teknologjisë Informative për USHAF)”, tenderi të Rikthehet ne Rivleresim.

AK-së.

KRITERET PËR VLERËSIM

ANEKSI I. SPECIFIKIMET TEKNIKE TË DETYRUESHME

1. Përshkruaj specififikimet teknike, në mënyrë jo diskriminuese, karakteristikat e detyrueshme të objektit të kontratës siç janë: Kualiteti, siguri i kualitetit, performanca, terminologjia, kërkesat e dizajnit, simbolet, dimensionet, testimi dhe metodat e testimit, siguri, paketimi, shënjimi, etiketimi.

Specifikimet teknike duhet të përpilohen në mënyrë që të përputhen me qëllimin e prokurimit dhe të ofrojnë qasje sa më të madhe të operatorët ekonomik të interesuar.

Autoriteti kontraktues është veçanërisht i ndaluar të vendosë specififikim teknik që favorizojnë ose dis-favorizojnë një ose me shumë operatorë ekonomik.

[2. Nëse variantet lejohen Autoriteti Kontraktues duhet të cekë specififikimet minimale që duhet të përmbushen nga një variant dhe çdo kërkesë specifike për prezantimin e variantit të tillë janë]

Nr	Brand Name	Sasia
1	Brand Name All in One PC – Model VI	
	Prodhuksi:	Brand Name
	Sistemi Operativ:	Windows 11 Pro 64 bit supported (pajisja duhet të vijë me licencë)
	Procesori:	Min. Intel Core i7, min gjenerata e fundit në datën e publikimit të njoftimit
	Memorje:	Min 32 GB DDR4
	Disku:	Min. 1 TB SSD NVMe M.2
	Kartela Grafike:	Minimum 4GB GDDR6
	Screen Resolution:	Min 1920x1080, 16:9 aspect ratio, 1000:1 contrast ratio, anti glare
	Monitor:	Min 26.5"
	Porte shtesë:	Min. 1 x USB 3.2 Type C, 3x USB 3.2 Gen1, 1 HDMI-in or DP ose porte shtese me te mira
	Networking:	Gigabit Ethernet, integratet Wi-Fi, bluetooth
	Camera	Min 1080p, microfone etc
	Tjera:	EU-US ENERGY STAR
	Power:	EU Standard
Flex Stand:	Tilt	
Keyboard & Touchpad:	USB Mouse & QWERTY Keyboard	
Garancioni:	3 vite	
2	Brand Name Mobile Workstation –Model IV	
	Prodhuksi:	Brand Name
	Sistemi Operativ:	Windows 11 Pro 64 bit supported (pajisja duhet te vije me licence)
	Procesori:	Min. Intel Core i9, min gjenerata e parafundit në datën e publikimit të njoftimit
	Memorje:	Min 1x64 GB DDR4 me mundësi shtimi te kapacitetit deri ne 128 GB
	Disku:	Min. 2x1 TB SSD NVMe M.2
	Kartela Grafike:	Min 8GB dedicated GDDR6
	Monitor:	Min. 16" FHD
	Bateria:	Battery Life 8+hour
	Porte shtese:	Min. 2 x USB 3.0-3.2, 2x Type C, HDMI or Display Port

RAPORTI I KOMISIONI VLERËSUES

(VENDIMI MBI KERKESE PER RISHQYRTIM)

Ministria e Arsimit, Shkencës dhe Teknologjisë dhe Inovacionit, duke vendosur sipas kërkesës për rishqyrtim të parashtruar nga ARITECH, PRISHTINË - LIPJAN KM.10- PËRBALLË QMI- SË, 10500, GRACANICA të datës 19.12.2023 lidhur me aktivitetin e prokurimit: Titulli: Marrëveshje kornizë – Furnizim me Pajisje të Teknologjisë Informative për USHAF, kundër Njoftimit mbi Vendimin e Autoritetit Kontraktues, nxjerrë këtë:

V E N D I M

REFUZOHET si e pa bazuar kërkesa për rishqyrtim e parashtruar nga ARITECH, PRISHTINË - LIPJAN KM.10- PËRBALLË QMI- SË, 10500, GRACANICA

A r s y e t i m

ARITECH, PRISHTINË - LIPJAN KM.10- PËRBALLË QMI- SË, 10500, GRACANICA si palë e pa kënaqur ka parashtruar kërkesë për rishqyrtim me datë 19.12.2023, kundër Njoftimit mbi vendimin e Autoritetit Kontraktues, lidhur me tenderin: Furnizim me pajisje dhe ngritjen e infrastruktures së Qendrës për Qertifikimin e produkteve në USHAF, duke pretenduar se janë bërë shkelje të dispozitave të LPP-së, në:

Pretendimet Ankimore

ARITECH, PRISHTINË - LIPJAN KM.10- PËRBALLË QMI- SË, 10500, GRACANICA, pretendon se janë shkelur nenet 10,59

Deklaratë detale mbi faktet dhe argumentet lidhur me pikat ankimore të OE:

Përgjigje lidhur me pretendimet ankimore;

Ne si Autoriteti Kontraktues, kemi shqyrtuar me kujdes të gjitha pretendimet ankimore të parashtruara në kërkesë për rishqyrtim. Konsiderojmë se asnjë nga pretendimet ankimore nuk qendron

Bazuar në kërkesën tuaj lidhur me kataloge në dosje të tenderit nuk është kërkuar as katalogu as kriteret tjera katalogu ofrohet të AQP fillim të nënshkrimit të kontratave. Qasje ju është lejuar sipas nenit 11 të LPP-ës, si informata sekrete afariste të cilat janë kërkuar nga OE, që të klasifikohen nga AK vetëm dokumentet që nuk janë sekret afarist.

Këshilla juridike:

Kundër këtij vendimi pala e pa kënaqur mund të ushtroj ankesë pranë OSHP-së. Ankesa pranë OSHP-së duhet të dorëzohet brenda (10) ditëve pas këtij vendimi

Vendimi dorëzohet:

1. I. ARITECH PRISHTINË - LIPJAN KM.10- PËRBALLË QMI- SË, 10500, GRACANICA

INFORMACIONET SHITESË TË MARRA ME ANË TË SQARIME TË KËRKUARA NGA EKSPERTI SHQYRTUES/TEKNIK

VLERËSIMI SIPAS NENIT 4.1.26 TË LPP

VENDIMET E MËPARSHME TË OSHP LIDHUR ME RASTET E NGJASHME

ARSYETIMI PËR DEVIJIM NGA PRAKTIKA E MËPARSHME

PËRGJIGJE NË PRETENDIMET ANKIMORE TË OE ANKUES - ARITECH

Pretendimi nr.1

Pretendimet kryesor të OE ankues kanë sipas ankesës nr.22/23 janë kundrejt OE të rekomanduar për kontratë, ku sipas OE ankues OE I rekomanduar për kontratë nuk ka ofruar fare specifikacionin Teknik, me emrin e prodhuesit dhe emrin e modelit me të cilin ka ofertuar, kërkesa këto të ftesës për ofertim si dhe kontratës kornizë të AQP-së me nr. UA/2016-23-5755-1-1-1.

Pas analizimit të ofertës së OE të rekomanduar për kontratë, nuk kemi gjetur se I njëjti ka ofruar specifikacion Teknik, të dhënat e prodhuesit dhe modelit që ofertohet ashtu si është kërkuar në dosje të tenderit si dhe përmes dosjes së tenderit të kontratës kornizë të AQP-së me nr. UA/2016-23-5755-1-1-1.

Po ashtu vlerësojmë se është i bazuar pretendimi ankimor për qasje të kufizuar në dokumente, pasi nuk është dëshmuar se zbulimi i informatave (të kërkuara nga OE ankues) në ndonjë mënyrë e dëmton OE e rekomanduar për kontratë.

Bazuar në këto që u cekën më lart vlerësojmë se pretendimi ankimorë është I bazuar.

Pretendimi nr.2

OE ankues po ashtu pretendon se edhe OE:”Cactus” vendosur vendosur specifikim teknik, model, brand, broshurë për produkte për të cilat ka ofertuar.

Pas analizimit të ofertës së OE Cactus, kemi gjetur se I njëjti ka ofruar specifikacionin Teknik me të gjitha të dhënat e nevojshme siç janë emri i prodhuesit, modeli saktë me të cilin oferton përshirë edhe specifikacionin Teknik të detajuar të modelit me të cilin oferton.

Provë: Oferta e OE Cactus, Aneksi 1-specifikaiconi Teknik.

Bazuar në këto që u cekën më lart vlerësojmë se pretendimet ankimore kundjret OE Cactues janë të pabazuara.

REKOMANDIMI I EKSPERTIT SHQYRTUES

Duke u bazuar në sqarimet e lartpërmendura, eksperti shqyrtues i propozon panelit shqyrtues që ankesa e OE ankues të aprovohet si pjesërisht e bazuar, të anulohet njoftimi për dhënie të kontratës dhe rekomandon që lënda të kthehet në rivlerësim.

Raporti i ekspertit shqyrtues, lidhur me ankesën e parashtruar nga OE “ARITECH”, lidhur me aktivitetin e prokurimit “Marrëveshje kornizë – Furnizim me Pajisje të Teknologjisë Informativë për USHAF” me numër të prokurimit: “98400-23-13505-5-5-8, të iniciuar nga Autoriteti Kontraktues (AK) – UNIVERSITETI I SHKENCAVE TË APLIKUARA NË FERIZAJ

Raporti i ekspertizës ti dorëzohet:

- Autoritetit Kontraktues – **UNIVERSITETI I SHKENCAVE TË APLIKUARA NË FERIZAJ**
- Panelit Shqyrtues – OSHP
- OE ankues – **ARITECH**



Ilir Halili